

國朝耆獻類徵初編卷四百六十七目錄

隱逸七

潘凱

羅從義

黃家舒

馬玉王

楊升

陳允昌

王于陞

王均

馮元颺

程智

李毓秀

張孝思

潘一晟

孔貞灼

孔貞時

張永祺

秦大音

陸字燭

弟字爆

國朝耆獻類徵初編卷四百六十七

通奉大夫前署江西巡撫江西布政使司布政使湘陰李桓輯
隱逸七

潘凱

康熙十有七年春 天子有詔徵文學之士吳江潘君未被薦明
年 召試體仁閣下賦最工以布衣除翰林院檢討越二年充日
講官知起居注是冬雲南平 天子推恩及臣下於是君之考慮
士貞靖先生得 贈日講官起居注翰林院檢討徵仕郎君之妣
章氏 贈孺人母吳氏 封太孺人又明年會試天下士君與分
校得人最盛又明年遭劾謫官吳太孺人歸卒於里君聞訃奔還

旋卜地鸛脰湖之南以康熙二十五年閏月辛酉合葬焉先生諱
凱字仲和一字豈凡別字貽令世居吳江平望市曾祖雲隱居不
仕祖志伊嘉靖四十四年進士仕至廣西布政使司右參政父錫
祚湖廣布政司理問母吳孺人先生事親孝事兄最恭其爲學殫
心經世之略其文見稱於太倉張采與同縣吳允夏包捷吳詡文
章行誼相切劘補縣學生員連試第一當是時在朝之君子多自
附東林而海內名士以聲氣應和曰復社先生與焉周之夔者與
諸君子構難撫君過作復社或問而無錫馬公世奇太倉張公溥
並力爭之德清章君日烝愛其文以女歸先生旣而知吳江縣事
先生深自退匿未嘗干以私惟於清賦額疏水道事關民利害則

建白行之先生爲詩典雅尤工赤牘雖恩遽不作草書遭亂破家
遂屏棄時文纂平望志及本草類方合文集凡數十卷子三人槩
章楨吳存者耒也女三人一嫁周撫辰一許嫁顏祁未行卒一嫁
陳鉉孫四人吳太孺人在室以孝聞嘗割股療母病爲先生繼妻
撫前妻子女如己出旣寡家酷貧手紡績延名師訓耒以通經博
古及耒爲侍從臣太孺人未嘗美衣食君旣謫官太孺人無幾微
不自得之色曰窮達有命安之可矣貞靖先生卒時年四十有九
章孺人卒年三十有二吳太孺人年六十有六彝尊與君定交也
久同年被薦同以布衣授官同知起居注其謫也又同時熟聞君
家世於君請銘不敢辭銘曰

相彼貞木其實有贄或碎於地或登於槃而終以勿餐嗚呼先生
既昌而文以詒後昆隕窮奚怨

右墓誌銘朱彝尊撰

羅從義

羅從義湖南邵陽諸生明末知世將亂購書數千卷閉戶讀之惟與衡陽王夫之邵陽劉維贊邑人車以道善夫之奉母避中鄉從義甚周全之其墓志夫之所撰也

右傳李元度撰

黃家舒

馬玉王

黃家舒字漢臣江蘇無錫人自少稱高才生與孫源文善甲申之變源文殉節家舒遂棄諸生服坐臥斗室謝絕交游自名其集曰焉文堂集以見志知府宋之普聞其名欲一致之不可得體羸以病自廢修淨業無子門人馬紳刻其遺文秦松齡序之

右傳秦瀛撰

馬玉王

馬玉王江蘇無錫人父世奇官京師當國家之變世奇殉節玉王護其櫬歸請卹南都後時時寄託詩篇益不自聊江南亡一日舟過虎邱疾作不欲歸臨歿手斷頂髮命以沙門服斂遂瞑子紳字

雲翎髻鬢凝重如成人讀書不待師授抽視架上帙皆自通解年
十餘作遊仙詩數十首有幽詭奇絕之語長有異才中康熙十一
年舉人體弱善病與其師黃家舒皆篤信釋氏年三十卒

右傳秦瀛撰

楊升

楊升字系雲湘潭人順治朝諸生

耆舊傳系雲湘中老宿所居曰花橋又號松莊其絕筆詩云從今
肯念松莊老分韻何妨到草元是也曾虹受耕雪堂集有訪松莊
楊系雲先生故里詩推爲邑中祭酒彭秋水有贈系雲詩其見重
於時如此

湘潭舊志升安貧樂道其長子吟雪食餼於庠屢躋場屋遂父子
偕隱其家庭唱和之作多爲學者所傳誦

右湖南文徵羅汝懷錄

陳允昌

充彝陳先生京口人少聰穎有奇志讀書求大意雅不喜章句學
弱冠補博士弟子家貧爲里塾師及壯屢讀於時因喟然曰余豈
爲一第戾哉乃盡斥其少時業一意爲古文歌詩未幾秦隴間盜
起廷論悉泄泄莫以爲亟先生聞之每酒酣於眾中輒奮袂扼腕
投箸而起謂人曰自神宗來國家晏安久朝政闡茸廢隳束於制
科又不能收雄才壯略之士使庸駑成名而頑頓集詬之徒充塞
當路大臣復煬蔽其上分門植黨交構殆無虛日今揭竿麻起羣
盜滿山猶因循玩忽茫無碩畫是養亂滋禍天下事將不知其所
終一時人咸愕眙相顧而先生自若也旣而曰大丈夫立功建業

此其時哉余安能復從事雕蟲俾寂寂老牖下因去而更日揣摩
經濟有用之學凡天文地志韜鈴兵食邊籌治亂以及風角占驗
諸書莫不攻微究變迨中原鼎沸江之左患之先生曰余夜占乾
象天意有在殆不可遁以近地論斗牛間多祲氣當在淮揚分然
揚爲甚其不免乎先是有輔臣負重望荷推轂者皆以爲必殄寇
先生曰無庸也行且寇必滋熾已而悉然又嘗策其郡之邪不任
兵西一山高而隘攻則敵必得志於斯儻城之而犄角可百世利
也圖而上之兵守者守不之善後卒如所慮及兵偪江之北隔塹
相望民惶甚不自意保其進而卜先生門者蓋踵相接也先生曰
幸無慮非謂其不來第無傷耳迄亦驗時自監司郡守以下莫不

隆禮賓師之然從未聞一干以私先後尙書管公紹甯都御史張公國維張公伯鯨聘薦皆不應吁先生雖不用而其所論議謀謨隱憂先識皆一時之所不能及使當日秉國成膺寄命者皆能如先生憂時料事預爲之防亟爲之慮則明之天下綢繆消殄豈復有甲申之事哉先生莊而嚴厚重樸質不苟言笑冬月必著屨於手以其拘也人咸目爲夫子夫子云性尤嗜博考其所手鈔錄讐校異書祕籍幾千卷一日災其樓罄焉先生曰豈天實戕余耶自是遂無志於世云時已年七十乃日下簾爲君平業約得錢百文卽撤而歸蓋不謀其羨也一日忽無病卒年八十三一子幼媚嘗受業先生門先生之教媚益勤也諸所述皆嘗所目擊而承於先

國朝書牘類編卷四
生者故具道之先生名允昌字應期晚更斯號

野史氏曰余讀史至侯生亞父蓋未嘗不悲於一遇而幸其危之得也使當日者二賢之不遭其會老田間耳惡能奮其才智以成功謀使聲名施於後世哉雖然年逾七十而一逢焉何其僅也如世之懷才抱略不偶於時終身淪落困廢無所表長至於沒沒與腐草同歸者豈少也哉吁可慨也可慨也如先生者不其人耶

右傳冷士嶠撰

王子陞

文石先生一字漫公亦稱錢來山人王其姓于陞其名予里之泊
村人也先生萬麻丁未進士與先君同榜對策卷進呈以二甲授
戶部歷官山西岢嵐道兵備晉右布政其宦業生卒之詳自有墓
誌不具載先生爲海內右族六世甲第自雁峯而後皆以詩學鳴
先生懸車杜門大肆力於瀏覽文詞之旨清簡雋永不以閎博雄
奇爲尙當是時同里李季白詩宗李杜馮翊馬寄園文尙六朝王
繩廓文尙左馬其潛心研討不欲著述者不可勝數先生以詩學
不可以無傳故引後進之士唱和而繩削之其社曰于喁其友曰
郭生能談禪其甥某某其弟子某某其猶子鑄辛未進士間一同